



Na osnovu člana 26. Statuta VPTŠ-e, Upravni odbor na svojoj sjednici održanoj 20.12. 2012. god. donosi:

PRAVILNIK O NAGRADAMA, PRIZNANJIMA I POHVALAMA OSOBLJA ŠKOLE I STUDENATA

Član 1.

Ovim Pravilnikom uređuje se vrsta i izgled priznanja i vrste nagrada koje dodjeljuje Visoka poslovno tehnička škola (u daljem tekstu VPTŠ Doboj), kao i postupak dodjele priznanja i nagrada.

Član 2.

VPTŠ dodjeljuje nagrade i priznanja svojim radnicima i studentima, te fizičkim i pravnim licima izvan Škole.

Član 3.

Priznanje i nagrade VPTŠ-e su:

1. **Zlatnik** sa logom Škole, koji se dodjeljuje domaćim i stranim fizičkim i pravnim licima za izuzetan doprinos u unapređenju djelovanja, razvoja i promocije VPTŠ i razvoju društva u cjelini. Zlatnik se može dodijeliti istoj fizičkoj osobi ili pravnom licu samo jedanput. Zlatnik dobitniku predaje (uručuje) direktor VPTŠ-e uz obrazloženje za njegovu dodjelu.
2. **Plaketa** VPTŠ se dodjeljuje domaćim i stranim fizičkim i pravnim licima izvan VPTŠ za doprinos u radu Škole.
3. **Novčana nagrada radnicima** za poseban uspjeh u radu, a koja se dodjeljuje na prijedlog: Direktora škole, Senata škole, Nastavno-naučnog vijeća ili neposredno nadređenog rukovodioca škole.
4. **Priznanje direktora studentima** za naročite uspjehe u toku studija.

5. **Novčana nagrada studentima** za naročite uspjehe u toku studija.

Prijedlozi za dodjelu nagrada i priznanja moraju sadržavati pismeno obrazloženje. Visinu novčanih nagrada određuje Komisija.

Član 4.

Nagrade i priznanje VPTS dodjeljuje se:

- za doprinos u unapređenju djelovanja, razvoja i promocije Škole,
- za doprinos u razvoju Visokog obrazovanja na Školi,
- za istaknuti rad i postignute rezultate u nastavno- istraživačkoj djelatnosti,
- za uspjeh u radu i drugim aktivnostima od interesa za školu,
- za naročite uspjehe studenata u studiju, u sportskim, umjetničkim, kulturnim i drugim aktivnostima u kojima su postigli zapažene uspjehe i time doprinijeli ugledu Škole.

Član 5.

Komisiju za dodjelu nagrada i priznanja VPTS čine:

1. Direktor škole,
2. Predsjednik Senata,
3. Predsjednik Upravnog odbora,
4. Predsjednik Studentskog parlamenta,
5. Sekretar Škole.

Komisija iz svog sastava bira predsjednika i zamjenika predsjednika.

Član 6.

Evidenciju o dodjeli nagrada, priznanja i pohvala sa svim podacima vodi Sekretar škole.

Član 7.

Priznanje i nagrade utvrđene ovim pravilnikom dodjeljuju se za Dan škole ili u nekom drugom povodu.

Član 8.

Izmjene i dopune ovog Pravilnika donose se na način i po postupku propisanim za njegovo donošenje.

Član 8.

Ovaj Pravilnik stupa na snagu osmog dana od dana objavljivanja na oglasnoj ploči VPTŠ Doboju.

Broj: 215-2/12

Datum: 20.12.2012.god.

Predsjednik Upravnog odbora:

Dr Dejan Gligović